

МЕДТӨДЧАНАТОРЪЯС ЙЫЛЫСЬ СЁРНИ

Сентябр 18-өд лунö Помöсдинын Коми республикаса юралысь Вячеслав Михайлович Гайзер аддзысьліс районön веськөдлысьяскөд, овмөдчөминъясса юралысьяскөд, предприятиясөн, организациясөн веськөдлысьяскөд. Республикаса юралысь, Госсоветса депутат Иван Медведев, районса юралысь Дмитрий Шатохин да овмөдчөминса юралысьяс (кодъяслөн водзмөстчөмөн и лоис тайö аддзысьлөмыс), веськыда

сёрнитисны районлөн медся ёсь майшөгъяс йылысь. Ставөн пасйисны, мый артмис öта-мөдöс бура гөгөрвоысь, öткодя мөвпалысь йөзлөн сёрни. Аддзысьлөм вылö чукөртчысьяс гөгөрвоисны, мый найö абу көнкö бокинöсь, абу торъяöсь, а лобны Коми республикаöс сөвмөдан ыджыд командалөн юкөнön. Талун найö юксьöны аддзысьлөм кузя асланыс мөвпъясөн.

Вячеслав ГАЙЗЕР, Коми республикаса юралысь: «Ми быть бурджыка, быд боксянь восьтөмөн, видзöдлам, кызди Кулөмдин районын сөвмөдоны меставывса водзмөстчөмъяс. Йөз кө эз водзмөстчыны асьныс, ми эськө сё во на виччысим, медым участкөвöй больничаяс лоисны сэтшөмөсь, кутшөмөс ми аддзим талун. Унаö миян овмөдчөминъяс, көни йөзис оз виччысьны «дядьöös», а зильöны мыйкө вöчны асьныс? Медводз власьт кутас отсавны татшөм овмөдчөминъяслы».



Дмитрий ШАТОХИН, «Кулөмдин» муниципальнöй районса юралысь - районса администрацияөн веськөдлысь: «Тайö аддзысьлөмлөн медшөр кывкөртөдөн лоис сийö, мый республикаса юралысь бура гөгөрвои и ошкө район сөвмөдөм кузя медшөр мөвпсö, кодöс позьö пöртны олөмö сөмын сак, кутасны кө водзмөстчыны асьныс районса олысьяс. Öд район сөвмөдысь командаын абу сөмын власьтö пырысьяс, сиктса юралысьяс да депутатъяс, но и зэв уна прöстөй йөз: общественной олөмын водзмөстчысьяс, ветеранъяс и том йөз, найö, кодъяс дасьöсь пöртны олөмö медся смел мөвпъяс. Бур примерөн лоö Сергей Тимүшев. Сийö зэв ёна көйис вöчны вөлöга переработайтан-вузалан кооператив. Тöдчана, мый Сергей

Алексеевич оз сулав öтилайын. Сийö гижис республикаса видз-му овмөс министерствöө пыöдчөм, медым отсалисны нёбны рефрижератор, мөвпалö котыртны йөзлысь картофель нёбөм. Татшөм водзмөстчысь морттöг кооператив эськө эз вöсьсы. Пример пыдди позьö вайöдны Лопъявадысь предприниматель Сергей Масюгинöс, кодö век тöждысис öти сиктын олысьяс вöсна. Сергей Викторовичлөн вöли мөвп - төлын туйяс весалөм могысь нёбны трактор. Ми отсалим сылы сьöмөн, и пöшти төвбыд Лопъявадö туй вöли сөстөм. Талун сийö вöчö Лопъя вомөн пос. Со татшөм йөзлысь, дерт, окота отсавны. Вячеслав Михайлович сіджэ вылö донъяліс Пожөгса олысьяслысь уджсö, кодъяс асланыс вынөн кыпөдисны лыжи база. Район сөмын сетіс 700 сюрс шайт материал вылö, а сөсся ставыс - водзмөстчысь йөзлөн ас окотаён удж. Тайö ставыс петкөдлö, мый медся тöдчанаыс, кор ставөн - и йөз, и сиктса юралысьяс, и республикаса юралысь - öти видзöдласаöсь, и налөн могъясыс öткодьöсь».

Сергей РУБАН, Кулөмдинса администрацияөн веськөдлысьясыс мөгъяс олөмö пöртгысь: «Меным вöли зэв тöдчана сийö, мый республикаса юралысь петкөдчис зэв вöсьса мортөн. Йөзлы вöли кокни ськөд сёрнитны, сөтавын юалөмъяс, висьтавын асьыс мөвпъяс. Татшөм ногөн аддзысьлөмыс овлö геждө, но сетö позянлун быдöнлы юксьыны асланыс мөвпъясөн, опытөн, помөдз ставсö гөгөрвоны. Шуам, кыптис юалөм, мыйла Коми республика оз пырöдчы йөзöс лёк оланінысь мөдлаö вуджөдан федерацияса программаö. Вячеслав Гайзер шензис: «Кызди? Мукөд регионъяс пырöдчöны, а ми ог? Ме локта Сыктывкарö да кута уджавны та вылын». Экономика сөвмөдан республикаса министерствоын та йылысь вермисны сылы и не висьтавын, а тані ставсö тöдмаліс миянсянь веськыда. Мукөд юалөмъяс кузя тадзи жö. Республикаса юралысь, дерт, тöдс Помөсдинса туй йылысь, но талун ачыс, аслас синъясөн аддзис, кутшөм сийö шогмытөм. Вячеслав Гайзер пасйис, мый локтан воын туйяс дзоньталөм вылö торйөдасны уна сьöм. Юралысь вынсьөдс туйяс дзоньталөм кузя туй агентствöөн сетөм көйисьсөмсö. Аслас кывъясөн республикаса юралысь, ме чайта, шыбласны оз кут».



Любовь ТРАИЛИНА, «Керчомъя» овмөдчөминса юралысь: «Ме медводзаясь на вöли татшөм аддзысьлөм вылын, көть юралысьсөн уджала 10 во нин. Меным зэв ёна воис сьöлөм вылö, мый Вячеслав Михайлович быд юалөм вылö сетіс вочакыв, ставсö бура гөгөрвоидіс, и ылөсас, прöста сідз, нинөм эз көйись. Артмис зэв бур, öта-мөдöс гөгөрвоана сёрни. Ме юалі йөзöс уджөн могмөдан программа йылысь, коді вöли 2010-2011 воясын. Сәки ми вермим венны зэв уна мытшөд, унатор сямним вöчны, но 2012-өд воын тайö программаыс эз ло, эз во и сьöм. Республикаса юралысь гөгөрвоидіс, мый 2010-2011 воясын странаын вöли кризис, йөзлы вöли сьöкыд аддзыны удж. Та вöсна вичмөдсис сьöм, медым овмөдчөминъяс вермисны котыртны уджтөмалысьясөс, могмөдны найöс көть кутшөмкө уджөн. А таво нин ыджыдджык тöдчанлун сетсьö налы, коді ачыс корсьö удж, сы вылö, медым йөз вермисны восьтны кутшөмкө делö. Сёрни кыптис и Кулөмдин районса туйяс йылысь. Вячеслав Гайзер эскөдс, мый локтан воын республика вичмөдас районлы туйяс дзоньталөм вылö 500 миллион шайт, кыпөдасны асфальт да бетон вöчан кык завод. Чукөртчылөм вылын бура тöдчис: татчö локтысьяс водзын сулалö öти мог. Көдкө сетіс юалөм, сы дорö пыр жö спортчисны ставөн. Миян ставнымлөн öтувъя öткодя могъяс: сийö жö туйясыс, йөзсөс уджөн могмөдөм, понтона вуджанінъяс, видз-му овмөс сөвмөдөм. Татшөм аддзысьлөмъясыс зэв коланаöсь. Öта-мөдкөд татшөм вöсьса сёрниыс ёна бурджык öти мортлөн висьталөмысь».



Виктор УЛЯШЕВ, районса администрацияысь физкультура да спорт юкөнөн веськөдлысь: «Пожөгын да Помөсдинын республикаса юралыськөд аддзысьлөм муніс, ме серти, зэв бура. Районса олысьяс, сиктса юралысьяс, предприятиясөн веськөдлысьяс вермисны сетны көть кутшөм найöс майшөдлана юалөмъяс. Меным аслым зэв нимкодъ, мый сийö аддзис позянлун да пыравліс Пожөгын кыпөдөм лыжи база вылö, кодöс ми босьтчим вöчны сөмын кык төлысь сайын на. Тайö стройбаон ми зэв ёна донъясым. Ставсö, мый вöчөма нин, вöчөма миян киясөн, ас окота серти уджалысьясөн, тренерьяслөн вынөн, öдйö да нöшта на этша сьöмөн. Республикаса юралысь ёна шензис и шуис, мый öнi быдöнлы кутас висьтавын миян йылысь, вайöдны примерөн, мый позьö вöчны аслад водзмөстчөмөн да зильөмөн. Пасйис, мый став сьöлөмсянь кутас ышпöдны татшөм водзмөстчөмъясö, мый республика кутас отсавны сьöмөн ставлы, коді оз пукав кыккирудз, оз виччысь кодсянькө отсöг, а ачыс дась ставсö вöчны. Вячеслав Михайлович пыр жö көйисьис отсавны нёбны мебель да спортивентар. Миянлы, дерт, зэв нимкодъ таысь. Чайта, төлөдз ставсö помалам, и став окотитысьыс вермас донъявны, кутшөм бур лыжи база артмис Пожөгын».

Ирина АНДРИЕВСКАЯ, «Вөльдін» овмөдчөминса юралысь: «Ме юалі республикаса юралысьлысь, кызди позьö отсыштны меставывса общественной ас-веськөдлан котыръяслы. Кольöм воын миян овмөдчөмин лоис Коми республикаын медводздаон, көни йөзис котыртчисны асьныс. Пузлаын вöли посёлөкса сөвет, а сөсся ми пыдисянджык төдмасим Архангельск обласьтса котыръяслөн уджөн, и котыртим сэтшөмсө жö. Таво районса администрация көйисьис, мый дасьтас грантъяс вылö конкурс, коді кутас ышпöдны уджавны татшөм котыръясö. А со республика та кузя нинөм оз вöзйы. Абу нормативно-правөвöй подув, сідзкө, абу и сьöм. Вячеслав Михайловичлөн вочакывйысь ме кылі меным вылö зэв ышпөдантор: Коми республикаын матысса кадö видлаласны да лөсьөдасны подув, код серти татшөм котыръяслы кутас вичмыны сьöм. Ме аддзи, мый республикаса юралысьлөн тайö юалөмын ясыд видзöдлас. Сийö эскөдс, мый талун колö отсавны оз сөмын сийö котыръяслы, кодъясөс пасйөмаөсь, но и налы, кодъяс оз лоны юридическөй лицоясөн. Сідзсö Вячеслав Михайловичкөд сёрни муніс зэв кокниа. Вöли гөгөрвоана, мый чукөртчылысьяс - öти видзöдласа, öта-мөдсö бура гөгөрвоысь йөз. Быдöнлы, дерт, гөгөрвоана, мый ставсö пыр жö вöчны он вермы, та вöсна аддзысьлігөн тшөкыда кыліс «медтөдчанаторъяс» кыв. Буретш казавны медтөдчанасö колö велөдчыны быд юралысьлы да быд веськөдлысьлы».

